

ԳՐԱՆՈՍՏՈՒԹՅՈՒՆ ԵՎ ԴԻՎՈՐԳՐԱԶԻՄ

ՍՏ. ՄԵԼԻՔ-ԲԱԽՇՅԱՆ. — «ՍՈՑԻԱԼԱԿԱՆ ՇԱՐԺՈՒՄՆԵՐԸ
ՀԱՅԱՍՏԱՆՈՒՄ 5-ՐԴ ԴԱՐՈՒՄ»¹

ՀԿ(բ)² Կենտրոնում 1947 թվին «Հայաստանի պարտիական կազմակերպություններում իդեոլոգիական աշխատանքը ուժեղացնելու միջոցառումների մասին» իր պատմական որոշմամբ հայազետ-պատմաբաններին հանձնարարում էր. «Ուսումնասիրել և լուսաբանել Հայաստանում դասակարգային սյաջբարի պատմության և օտարերկրյա կեղեքիչների դեմ հայ ժողովրդի ազատագրական շարժման պատմության վերաբերյալ մի շարք թեմաներ»³

Ֆ. Էնդելսը իր մի շարք աշխատությունների մեջ ցույց է տվել, որ միջնադարում ֆեոդալիզմի դեմ ուղղված գրեթե բոլոր հասարակական-քաղաքական շարժումներն արտաքինից ընդունում էին կրոնական բող, դառնում էին աղանդավորական շարժումներ։ Նա իր «Պատմական մատերիալիզմի մասին» աշխատության մեջ միջնադարի աղանդավորական շարժումները գնահատում է հետևյալ կերպ. «Ֆեոդալիզմի դեմ մղվող յուրաքանչյուր պայքար այն ժամանակ պետք է ընդունեն կրոնական զգեստավորում, ուղղվեր առաջին հերթին եկեղեցու դեմ»⁴

Հայ ժողովրդի պատմական անցյալը հարուստ է սոցիալական շարժումներով։ Միջին դարերում ֆեոդալիզմի դեմ ուղղված այդ շարժումները մեզ մոտ նույնպես գերազանցապես հանդես էին գալիս աղանդավորական բողի տակ։ Այդպիսի շարժումներ են եղել 5-րդ դարում Հայաստանում ծավալված բորբորիտների և մծղենականների աղանդավորական (ըստ էության սոցիալական-դաւակարգային) շարժումները։ Պատմական գիտությունների թեկնածու Ստ. Մելիք-Բախշյանի նշված աշխատությունը վերաբերում է բորբորիտների և մծղենականների շարժումների ուսումնասիրությանը։ Ինչպես տեսնում ենք, հեղինակի ընտրած թեման չափազանց հետաքրքրական է և կարևոր։

Հայտնի է, որ նախասովետական շրջանի հայ պատմագրությունը գերազանցապես զբաղվում էր մեր ժողովրդի միայն քաղաքական պատմությամբ, այն էլ ներկայացնելով փղբա-ֆեոդալական և բուրժուական մեկնաբանությամբ։ Չափազանց բնորոշ են Ստեփան Շահումյանի այդ պատմագրության մասին հետևյալ խոսքերը. «Մենք կարդում ենք շարունակ — գրում է Ստեփան Շահումյանը, — որ Հայաստանը եղել է թալանի ու ավերածությունների ասպարեզ. եկել են պարսիկները կոտորել, թալանել, տարել են, հույները՝ կոտորել, թալանել, տարել են, մոնղոլները՝ կոտորել, թալանել, տարել են, սեփական ազնվականությունը, հոգևորականությունը շարունակ խեղդել, շահագործել են։ Բայց որպեսզի այդ բոլորը հնարավոր լինեն, հարկավոր էր, որ երկրում լինեն կոտորելու համար բավականաչափ ժողովուրդ, և թալանելու համար բավականաչափ հարստություն։ Ինչպե՞ս է ապրել այդ ժողովուրդը, ինչպե՞ս է արտադրելիս եղել նա այդ հարստությունը։ Որո՞նք են նրա արտադրության, արդյունաբերության միջոցները և ձևերը, նրա արհեստներն ու արվեստները, նրա առևտուրը և այլ ներքին ու արտաքին հարաբերությունները, Ի՞նչ տեսակ հասարակական կազմակերպություններ, հիմնարկություններ է ունեցել նա, որոնց միջոցով մղել է իր գոյության կռիվը բնության և օտար հասարակությունների հետ։ Նրա ընտանիքը, նրա արյունակցական, ցեղական կազմի (родовой строй) ձևերը, դասակարգերի առաջացումը և նրանց փոխադարձ հարաբերությունները, պետական մարմնի ուստիճանական զարգացումը և այլն, և այլն։ Ահա թե ինչ պետք է տա մեզ ամենից առաջ բիշ թե շատ լուրջ արժեքավոր պատմություն»⁵

¹ Տես Վ. Մ. Մուրտուզի անվան Երևանի Պետական համալսարանի դիտական աշխատություններ հատ. 29։

² «Սովետական» Հայաստան» օրաթերթ, Երևան, 1947, դեկտեմբերի 30։

³ Ֆ. Էնդելս, Պատմական մատերիալիզմի մասին, տես Կ. Մարքս, Ինտիմ երկեր, հ. 1-ին Երևան, 1941, էջ 451։

⁴ Ստ. Շահումյան, Ինտիմ երկեր, Երևան, 1948, էջ 349—350։

Բուրժուական պատմագրությունը չէր բավականանում միջնադարյան Հայաստանի սոցիալական շարժումները անտեսելով. նա այս կամ այն առիթով կրկնում էր հայ եկեղեցական պատմագրության վերին աստիճանի կողմնակալ գնահատումները, որոնցով նրանք թուր ու մուր հին թափում սոցիալական շարժումների հասցեին:

Միանգամայն պարզ է, որ այս հարցերի մասին գրող հեղինակը պետք է հաղթահարեր թե՛ մեր պատմագիրների հաղորդած տեղեկանքից վկայությունները և թե՛ նախասովետական շրջանի հայագիտության սխալ մեկնաբանությունից առաջացած դժվարությունները:

Բորբորիտների և մծղնեականների շարժումների ուսումնասիրությունը դժվարանում է նաև նրանով, որ նրանց մասին եղած հիշատակությունները վերին աստիճանի կցկտուր ու աղբյուրիկ են և հաղորդված են շարժման հակառակորդ՝ հոգևորական պատմիչների կողմից:

Չնայած նշված դժվարություններին, հեղինակը հիմնականում հաջողությամբ է լուսարանել իր առաջ ծառացած հարցերը, և նրա աշխատությունը արժանի է գովասանքի:

Ընկ. Մելիք-Բախշյանը՝ օգտվելով նման շարժումների մասին եղած մարքսիզմի կլասիկների, ցուցումներից, իր սոցիալական շարժումները Հայաստանում 5-րդ դարում՝ աշխատության մեջ խոսում է Հայաստանի տնտեսական կյանքի, նրա հասարակության դասակարգային կազմի ու այդ դասակարգերի միջև եղած հարաբերությունների մասին: Հեղինակը հենց այդ ֆոնի վրա էլ բնութայն է առնում բորբորիտների և մծղնեականների շարժումները, դրանք միանգամայն ճիշտ կերպով դիտելով որպես սոցիալական-դասակարգային շարժումներ, որոնք ունենին կրոնական քող և ուղղված էին ֆեոդալիզմի դեմ:

Հեղինակը իրիստ բնական մոտեցում է հանդիս բերում պատմագիրների և այլ սկզբնաղբյուրների հաղորդած տեղեկությունների նկատմամբ և գիտական դիրքերից բնադատությամբ է ենթարկում հայագիտության մեջ եղած սխալ տեսակետները հիշյալ շարժումների մասին:

Ստ. Մելիք-Բախշյանի աշխատության ամենակարևոր արժանիքն այն է, որ այդ աշխատությունը սովետահայ պատմագիտության մեջ՝ 5-րդ դարի Հայաստանի սոցիալական շարժումների պատմության ուսումնասիրության բնագավառում, հանդիսանում է առաջին լուրջ փորձը:

«Սոցիալական շարժումները Հայաստանում 5-րդ դարում» աշխատությունը զերծ չէ նաև թերություններից և վիճելի դրույթներից:

Մարքսիստական պատմագիտությունը հասարակական երևույթները ուսումնասիրելիս սովորաբար ելնում է տվյալ ժամանակաշրջանի տնտեսական կյանքի պայմաններից: Հեղինակը այդ տեսակետից, իհարկե, կանգնած է ճիշտ ուղու վրա. նա նախքան բորբորիտների և մծղնեականների մասին խոսելը, կանգ է առնում 5-րդ դարի Հայաստանի սոցիալ-տնտեսական հասարակությունների վրա: Սակայն, ցավոք սրտի, այդ հարցի շարադրանքը նա սահմանափակում է միայն 5 էջով (էջ 181—186), որտեղ մի քանի ընդհանուր խոսք է ասված Հայաստանի քաղաքական իրադրության, հողային հարաբերությունների, հասարակության դասակարգային կազմի և աշխատավոր հիմնական դասակարգի՝ գյուղացիության կողմից տրվող հարկերի տեսակների ու դրանց չափերի մասին: Եվ այդ բոլորը մեծ մասամբ մնում են իրրև սոսկ հայտարարություններ. չեն հիմնավորված սկզբնաղբյուրների հաղորդած տեղեկություններով: Հեղինակը բորբորիտների և մծղնեականների շարժումների բնույթը որոշելու համար պարտավոր էր մանրամասն և փաստերով հասկացված տալու այդ դարի սոցիալ-տնտեսական հարաբերությունների պատկերը, առանց որի հիշյալ աղանդավորական շարժումները դառնում են անհասկանալի: Ինչպես՝ կարելի է հասարակական այս կամ այն երևույթի մասին դատել, առանց նրա ծնող պատճառները փաստերով ներկայացնելու: Ընդ որում հեղինակը առանձնապես պետք է ուշադրություն դարձնի 5-րդ դարի բրիստոնեական եկեղեցու ֆեոդալիզացիայի պրոցեսի, նրա կալվածքների մեծության ու ստրատության, նրա հիերարխիկ սիստեմի, նրա կողմից կիրառվող շահագույժման անտանելի ձևերի, հարկերի ու տուրքերի չափերի և այլ բազմաթիվ հարցերի վրա: Հեղինակի ուշադրությունից վրիպել են նույնիսկ այնպիսի հանրահայտ փաստեր, ինչպիսիք են՝ կաթողիկոսական աթոռի 15 գավառներում կալվածքներ ունենալու փաստը (Արմավիրի, Էջմիածնի, Աշտիշատի շրջաններում, Դարանաղի, Եկեղյաց ու Դերջան գավառներում և այլուր), Եկեղեցական կալվածները մեծանում էին նաև աշխարհիկ ֆեոդալների կալվածքների հաշվին: Հայտնի է, որ խոսքով Կոտակի օրով Մանավազյան և Որդունի նախարարական տները ոչնչացնելուց հետո, իրենց կալվածքները տրվեցին Բասենի եպիսկոպոսական թեմին:

Եկեղեցին, տակավին, 4-րդ դարում այնքան էր հզորացել, որ անգամ հավակնություն ուներ իր ձևերը վերցնել նրկրի քաղաքական իշխանությունը: Իվում է, թե հենց այդ հողի վրա էր, որ Արշակունի թագավորներից ոմանք ընդհարվում էին կաթողիկոսների հետ (Տիրան, Արշակ Բ.):

խակ ումանը էլ (Պապ) եկեղեցու աճող հեղինակությունը՝ սահմանափակելու համար հատուկ հրովարտականերով կրճատում էին նրանց կալվածքները և հոգևորական որոշ հիմնարկներ:

Պետք է նշել նաև այն, որ եկեղեցական-կաթոլիկոսական կալվածքները գտնվում էին երկրի ամենաբերրի շրջաններում: Այդ էր առիթը, որ Արշակունիների արքունիքի հայտնի գործիչ Հայր Մարդապետը ներսես կաթոլիկոսին սպառնում էր հայոց թագավորի միջոցով Աշտիշատում գտնվող նրա լավագույն կալվածքները գրավել արքունիքի համար: Վերջապես հեղինակը հնարավորություն ուներ փաստական նյութի հիման վրա ցույց տալու հոգևորականների թվի ահռելի չափերով աճելը, նրանց կաշառակերությունն ու այլ խարդախությունները: Աշխատության մեջ ոչինչ չի ասված եպիսկոպոսական թեմերի և առանձին վանքերի կալվածքների ու նրանցում աշխատող կախյալ գյուղացիների վիճակի մասին: Առանց այդ բոլորի, քրիստոնեական եկեղեցու մասին հեղինակի ասած խոսքերը, որոնցով նա քրիստոնեական եկեղեցին բնորոշում է որպես ֆեոդալական շահագործող ապարատ, մնում են իրրև հայտարարություններ:

Այնուհետև, անհրաժեշտ չափով չի վեր հանված ժողովրդական լայն մասսաների ակտիվ մասնակցությունը բորբորիտների և մծղենականների շարժումներին, որը մասամբ արդյունք է այն բանին, որ հայկական մատենագրության մեջ այս մասին եղած հիշատակությունները չափազանց աղբյուրիկ են, իսկ օտար աղբյուրները առհասարակ ոչինչ չեն հաղորդում: Հեղինակի բերած փաստերը՝ Մեսրոպ Մաշտոցի ձեռնարկած միջոցառումները բորբորիտների դեմ, 443 թվի Շահապիվանի եկեղեցական ժողովի որոշումները մծղենականների դեմ և այլն, բացառապես վերաբերում են բորբորիտների և մծղենականների շարժումներին մասնակցող կամ հարող շոգևորականներին և իշխաններին (տես էջ 208, 212, 221, 225): Բերելով նշված փաստերը, հեղինակը պարտավոր էր բացահայտել ճշող դասերին պատկանող առանձին վարդապետների, եպիսկոպոսների, իշխանների և այլոց՝ սոցիալական շարժումներին մասնակցելու շարժառիթները: Կասկածից վեր է, որ ճշվող մասսաները աղանդավորական այդ շարժումների ձևով պայքարում էին ընդհանրապես ֆեոդալիզմի դեմ՝ իրենց հարվածն ուղղելով առաջին հերթին քրիստոնեական-պաշտոնական եկեղեցու դեմ: Մեր կարծիքով այդ բարձրաստիճան հոգևորականների մասնակցությունը շարժումներին, պետք է բացատրել քրիստոնեական եկեղեցու ֆեոդալիզացիայի շնորհիվ ստեղծված հիերարխիկ սիստեմով, որի հետևանքով նրանց շահերը շատ նեղ դասային բնույթ էին կրում: Իսկ աշխարհիկ ֆեոդալների մասնակցությունը առաջին հերթին պետք է բացատրել նրանով, որ եկեղեցին իր կալվածքներով սկսել էր նեղել նաև նրանցից շատերին, որոնք բնականաբար կարող էին այդ շարժումները օգտագործել իրենց շահերի համար:

Հեղինակը աներկբայորեն կանգնած է այն տեսակետի վրա, որ բորբորիտների շարժումը Արևմտյան Հայաստանից բացի տարածված էր նաև Գողթնում, Բաղասականում (Փայտակարան), Գարգմանում և Գուգարքում: Արևմտյան Հայաստանի Սպեր, Դերջան և Եկեղյաց գավառներում բորբորիտների շարժման և նրա դեմ ձեռնարկված դաժան միջոցների մասին հիշատակություններ ունեն պատմահայր Մովսես Խորենացին և Կորյունը: Մովսես Խորենացին հաղորդում է, որ Սահակ կաթոլիկոսը Մեսրոպ Մաշտոցին հրամայեց ռենել զժանտագործ բորբորիտուն, և իթէ ոչ հեղութեամբ և ոչ սաստիւ գայցեն յւղղութիւն՝ շարշարանօք հալածել զի որպէս թշնամիք ի թշնամեաց վրէժ առնուցուն, և խայտառուկեցի իրաւացի մահուամբ անիրաւ մահ հոգւոց»:

Իսկ Կորյունը հաղորդում է, թե Մեսրոպ Մաշտոցը ինչպես իրագործեց Արևմտյան Հայաստանում բորբորիտների աղանդը ճնշելու համար Սահակ կաթոլիկոսի տված հանձնարարականը. «Ապա յետ այնօրիկ — գրում է Կորյունը, — ձեռն արկանէր զգժպատեհ և զկամակոր բարբարիանոս աղանդն քննելոյ. Եւ իբրեւ ոչինչ գտանէր հնարս յուղղութիւն ածելոյ, առեալ ի գործ արկանել զթշուառացուցիչ գաւազանն, ծանրագոյն պատուհասիւք և բանդս, ի տանջս, գելարանս: Իսկ յորժամ այնու եւս պակասեալք ի փրկութիւնէն գտանէին, խորտակեալս, և յաշխարհէն կորդէին»¹ Ինչպես տեսնում ենք, երկու պատմիչներն էլ 5-րդ դարի սկզբներին Արևմտյան Հայաստանի Սպեր, Դերջան և Եկեղյաց գավառներում տարածված աղանդավորական շարժումը կոչում են բորբորիտների, (Մ. Խորենացու մոտ՝ «բորբորիտուն», իսկ Կորյունի մոտ՝ «բարբարիանոս» ձևով): Այնպես որ Արևմտյան Հայաստանի նշված գավառներում բորբորիտների աղանդավորական շարժման մասին կասկած չինել չի կարող, և հեղինակն այդ խնդրում միանգամայն իրավացի է: Բայց անհամոզիչ է հեղինակի այն պնդումը, ըստ որի այն ժամանակներում բորբորիտների աղանդավորական շարժումը տարածված էր նաև Գողթնում, Բաղասականում, Գարգ-

¹ Մովսէսի Խորենացու Պատմութիւն հայոց, Տփղիս, 1913, էջ 337:

² Կորյուն, Վարդ Մաշտոցի, Երևան, 1941, էջ 66

մանում և Գուգարբում: Հեղինակը այս հարցում հետևում է Մ. Չամչյանի, Մ. Օրմանյանի և հայագետ լանդլուայի առաջ քաշած տեսակետին (էջ 212—214), որը հիմնավորելու համար վկայակոչում է Մովսես Խորենացուն: Խորենացին հաղորդում է, որ Մեսրոպը «թողեալ վերակացու յիրոց աշակերտացն ի նմին տեղւոջ, զՂեւոնդ և զՍնովբ ի Սպեր, իսկ ի Դերջան գնոցին եպիսկոպոսն զԳինդ, և յնկեղեաց զԴանան՝ ինքն եկեալ յԱյրարատ՝ անցանէ յառաջնոյ մնակութեան գաւառն Գողթն»:

Քանզի մնացեալ արմատ դառնութեան հեթանոսական աղանդոյն ի ժամանակի անհշխանութեանն ի վեր երևեալ՝ ի բազումս տարածեցաւ. զորս բնաբերձ արարեալ երանելոյս հանդերձ օգնականութեամբ հօրաբարոյին Գտայ որդւոյ Շաբիթայ, իշխանի գաւառին, տեղեկանայր ես, չարեացն վարդապետք նախագոյնք ի Բաղասականն են կողմանցս¹:

Սակայն Խորենացու այս վկայությունը հեղինակի կողմից պաշտպանվող տեսակետի օգտին ոչինչ չի ասում: Պատմահայրը Սպեր, Դերջան և Նկեղյաց գավառներում տարածված աղանդը պարզապես կոչում է բորբորիտոն, մինչդեռ Գողթնում, Բաղասականում, Գարդմանում և Գուգարբում եղած աղանդը համարում է հեթանոսության մնացորդ: Նկատի պետք է ունենալ նաև մի այլ մոմենտ. վերը մեջ բերված Կորյունի հիշատակությունից պարզ կերպով երևում է, որ Մեսրոպ Մաշտոցը Արևմտյան Հայաստանում բորբորիտներին ոչ մի կերպ չի կարողացել «ուղղել» (եւ իբրեւ ոչինչ գտանէր հնարս յուղղութիւն ածելոյս) և նրանց դեմ ձեռնարկել է ավելի դժան միջոցներ (սառեալ ի գործ առկանէր զթշուառացուցիչ գաւազանն, ծանրագոյն պատուհասիւր ի բանդս, ի տանջանս, գելարանս): Ըսկ նույն Մեսրոպը, Խորենացու վկայության համաձայն, Բաղասականում, Գողթնում, Գարդմանում և Գուգարբում, առանց մեծ դժվարության վերացնում է այդտեղ տարածված հեթանոսական աղանդը: Նկատի ունենալով այդ երկու փաստերը, պետք է ենթադրել, որ Բաղասականում, Գողթնում, Գարդմանում և Գուգարբում եղած աղանդը կապ չունի Արևմտյան Հայաստանում տարածված բորբորիտների աղանդի հետ: Հեղինակի այդ պնդումը անհամոզեցուցիչ է դառնում նաև նրանով, որ աներևույթների է սկզբից և եթ միևնույն աղանդի տարածումը Հայաստանի երկու ծայրամասերում՝ ծայր արևմուտքում և ծայր արևելքում, որոնք իրարից գտնվում են հսկայական հեռավորության վրա և հասարակական-տնտեսական ամուր կապեր չունենին:

Ընկ. Մելիք-Բախշյանը իր աշխատության մեջ մի ծավալուն բաժին տրամադրել է մանիքեությանը, բայց քանի որ նրա աշխատությունը ունի «Սոցիալական շարժումները Հայաստանում 5-րդ դարում» վերնագիրը, ուստի մանիքեությանը վերաբերող այդ բաժինը միանգամայն ավելորդ է և ոչնչով չի նպաստում 5-րդ դարի Հայաստանի սոցիալական շարժումները լուսաբանելու հարցին: Հեղինակը ինքն էլ այն կարծիքին է, որ բորբորիտներն ու մծղենականները կապ չունենին մանիքեության հետ (էջ 187 և 202—206): Ըհարկե, սրանով մենք չենք ուղղում ասել, թե մանիքեության մասին գրելն առհասարակ ավելորդ է, սակայն գրախոսվող աշխատության մեջ այդ մասին լավագույն դեպքում կարելի էր ասել միայն մի քանի խոսք, այնինչ հեղինակը դրան տրամադրել է անհամեմատ ավելի շատ տեղ (18 էջ), քան իր հիմնական թեմային (24 էջ):

Աշխատության մեջ տեղ են գտել նաև գիտական որոշ անճշտություններ, Այսպես, հեղինակը շինականները և ռամիկները թվում է իրար կողք կողքի՝ նրանց դիտելով որպես հասարակական առանձին խավեր (էջ 182): Ակադեմիկ Հ. Մանանդյանը մանրամասն ուսումնասիրելով հիւ Հայաստանի շահագործող դասակարգերին վերաբերող հիշատակությունները, ցույց է տվել, որ հին Հայաստանում շինականները (գյուղացիները) և բաղաբային ցածր խավը՝ արհեստավորներն ու թերեւս մանր առևտրականները միասին կոչվում էին ռամիկներ²:

Այլ կերպ ասած, «ռամիկ»-ներ են կոչվել առհասարակ ժողովրդի ցածր խավերը՝ շահագործվողները, իսկ գյուղացիները, որ շահագործվողների թվում կազմում էին ճշշող մեծամասնությունը, կոչվել են շինականներ: Հետևապես, հեղինակը իր աշխատության մեջ պետք է գործածեր կամ միայն «ռամիկներ» կամ «շինականներ» և բաղաբային ստորին խավեր:

5-րդ դարի հայ նախարարությունների թվեր աշխատության մեջ տրված է 900—50-ի սահմաններում (էջ 184): Թվերի այդքան մեծ տարբերությունը ոչ միայն գաղափար չի կարող տալ հայկական նախարարությունների՝ ֆեոդալական իշխանությունների քանակի մասին, այլև կտրուկ

¹ Մ. Խորենացի, էջ 440—441:

² Հ. Մանանդյան, Դիտողութուններ հին Հայաստանի շինականների դրության մասին մարդպանության շրջանում (արտատպված ՀՈՒՀ Պետհամալսարանի Գիտական տեղեկագրի № 1-ից). Երևան, 1923, էջ XXIV—XXVII:

է տարակուսանքի առիթ տալու Ն. Ադոնցը ելնելով Եղիշեի, Ղ. Փարպեցու, Մ. Խորենացու և մյուս 5-րդ դարի պատմիչների հիշատակություններից, և «Գահնամակ»-ի ու «Ջորանամակ»-ի տվյալներից՝ իր «Армения в эпоху Юстиниана» աշխատության մեջ ցույց է տվել, որ հայկական նախարարությունների թիվը 5—6-րդ դարերում հասնում էր 50—70-ի, Իսկ որոշ պատմիչների (Փավստոս, Ստ. Որբելյան և այլն) հիշատակած 900 կամ 400 թվերը վերաբերում են ոչ թե նախարարություններին, այլ արքունիքում եղած գործակալություններին¹։

Ֆեոդալական-նախարարական կալվածքները աշխատության մեջ մի տեղ կոչված են «հողակտոր»-ներ (էջ 183)։ Նախարարական հսկայական կալվածքների փոխարեն «հողակտոր» գործածելը ճիշտ չէ։

Հեղինակը դժգոհելով այն բանի համար, որ մեր սկզբնաղբյուրներում ջատ քիչ տնդեկություններ կան բորբորիտների մասին, գրում է. «Այդ է պատճառը, որ այս աղանդավորական ուսմունքն ամբողջությամբ վեր հանելը, բավական դժվար է, թեև նա, որպես հայ ժողովրդի անցյալի պատմության կարևոր մոմենտներից մեկը, իր ժամանակին խաղացել է ոչ փոքր դեր եկեղեցու դեմ պայքարի գործում» (էջ 216)։ Ինչո՞ւ միայն եկեղեցու, չէ որ նա ուղղված էր առհասարակ ֆեոդալիզմի դեմ։

Ք. ՀԱԿՈԲՅԱՆ

Հ. ՈՒԹԱԽԱՆՅԱՆ

¹ Н. А д о н ц, Армения в эпоху Юстиниана, СПб., 1908, стр. 236—297.